



Тәуелсіздік – тәу етер жалғыз кие

Қазақпын, еңселі елмін егеменді,
Кеңейттім кең әлемге керегемді.
Мұхиттың ар жағында жатқан
жұрттар

Таныды тепе-тең деп тереземді.
Қазақпын, қойнауы – құт, жері –
дархан,

Әнімді бес құрлықтың бәрінде ай-
там, – деп жырлаған Абай атындағы
Республикалық мамандандырылған да-
рынды балаларға арналған қазақ тілі
мен әдебиетін тереңдете оқытатын орта
мектеп-интернатының 8 «Б» сынып оқу-
шылары да тәуелсіздік мерекесін ерекше
қарқынмен атап өтті.

«Тәуелсіздік – тәу етер жалғыз кие»
аталған бұл кеште туған елдің тарихына
сонау қазақ хандығы құрылған дәуірден
бастап шолу жасалып, найзаның ұшы-
мен, білектің күшімен елді, жерді, Ота-
нымызды қорғаған бабалардың есімін
еске алды. 1931-1932 жылдардағы ашар-
шылық қасіреті, 1937-1938 жылдардағы
репрессия құрбандары болған зиялы
азаматтарымыз, 1941-1945 жылдардағы
Ұлы Отан соғысының зардабы суретте-
ліп, 1986 жылғы күллі қазақ халқын дүр
сілкіндірген оқиғамен ұластырылып, тәу-
елсіздік – бұл қазақ халқына төңірден кел-
ген тәтті сый деген қорытындыға келді.
Бүгінгіңің қадірін, болашақтың қарымын
білу үшін өткен тарихыңды, тамырыңды
білу – міндет. Кеш барысында егемендік
жолында құрбан болған боздақтардың
ерлігі бейнекеріністер арқылы көрсетіліп,
көрерменге бүгінгі бейбіт күніміздің оңай-
лықпен келмегенін тағы бір естеріне
салып, өткенге оралтқандай болды.
Егемендік пен бодандықтың арасында
болған талай жылғы тартысты «ақ
пен қара биі» арқылы тамаша көрсете
білді. Ақ – бейбітшілік, қазақ халқында
бейбітшіліктің символы – ақкөгершін.
Қара – бейбіт елдің шырқын бұзған, өз
бодандығына алып, жер бетінен жойып
жібергісі келген нәубеттер, қиындықтар.
Осы екі қайшылықты көзқарастың тар-
тысы жас бүлдіршіндердің сәнді де, мәнді
қимылдары арқылы сахналанды.

Ал «Тәуелсіз Қазақстан», «Алға, Қа-
зақстан», «Ару Астана» әндері барша
көрерменнің жүрегіне мақтанаш сезімін
ұялата білді.

Бақыттың бастауы – бейбітшілік. Осы
бейбіт күнде, тәуелсіз елде өмір сүріп келе-
жесті жатқан ұрпақ бақытты. Жас ұрпаққа сол
бақытты сыйлауда ерен еңбек етіп келе
жатқан Елбасымыз Н.Ә.Назарбаевтың
есімін жас бүлдіршіндер ерекше құрмет-
пен атап өтті.

«Туған елдің туының астында бірігіп,
туған жердің тұғырын биік етуге бел
шешкен азаматтарды бір тағдыр күтеді.

Осылай, елдігіміздің ертеңі ошақтың

ұш тағаны сияқты «бір халық – бір ел –
бір тағдыр» деген үш сөзге сыйып тұр.

Бірлігі берекелі, тірлігі мерекелі,
ынтымағы жарасқан елдің ғана ырыс-не-
сібесі мол болмақ.

Осыны халқымыз бек түсініп, бірлігіне
бекем болды.

Ел иесі – қазақ халқы да ешкімге шет-
қақпайлық көрсеткен жоқ.

Ұлтына, тілі мен діліне қарамай барша
этнос өкілдерінің теңдігін ата заңымызда
айқындап алдық.

Табысқа тоқмәйілісіп, тоқырап қыл-
май, алыс болашағымыздың темірқазығы –
«Қазақстан 2050» стратегиясын қабыл-
дадық.

«Бір халық» – бұл барлығымыз үшін
ортақ ұлттық мүдделер.

«Бір ел» – бұл барлығымыз үшін
ортақ Отан.

«Бір тағдыр» – бұл біз бірге жүріп
өткен қиындықтар мен жеңістер!

Бұл біздің ортақ келешегіміз – игілікті
және өсіп-өркендеген Қазақстан!» – деп
ой өрбітті дарынды оқушылар.

Азат бүгін байлыққа тұнған жерім,
Азат жүгін, ел жауын қуған ері.
Әділет пен бірлікке жанын қиып,
Әділ өткен билердің туған жері.

Қазақ жері көп шеккен қасіретті,
Қазақ ері - өнерлі, өсиетті,
Египетті билеген Бейбарыстың
Елі – текті, киелі, қасиетті.

Қорлаған жау – басқыншы халыққа
мұң,

Қорғаған ер – ойлаушы халық қамын.
Қобыланды, Ер Тарғын, Алпамыстар

... Қорғап қалды ел бағын алыптарым!,
– деп жалынды жырларымен көпшілікті
тебіrentкен дарындыларға зор қошемет
көрсетілді. Сондай-ақ шара барысында
мектеп-интернаттың домбыра оркестрі
тәуелсіздікті дүбірлі күймен шарықтата
түссе, қос етек киген бишілер тобы ұлттық
нашықта мың бұрала өнер көрсетті.

Ширек ғасырдан бері дарынды оқу-
шылардың киелі мекеніне айналған Абай
атындағы дарынды балаларға арналған
қазақ тілі мен әдебиетін тереңдете оқы-
татын мектеп-интернатының оқушыла-
ры тәуелсіздікке арнап жырдан шашу
шашқанда жүрегіміз толқып, жас буынның
патриоттық сезіміне тебіреніп, көзімізден
жасымыз ыршыды. Тәуелсіздікті баға-
лайтын жүрегі қазақ деп соққан қара ба-
лаларына ризашылығымызды білдіріп,
қасиетті мерекемізге арналған шарадан
толқып қайттық.

Гүлнұр СӘЛІМБАЙ, «ҚП».